



# JOURNEE OUTDOOR Jeunesse




21.10.2021



08:30 - 18:00



Centre SNJ Marienthal





# Programm

## Virträg

<b>08.30 - 09.00</b>	<b>Wëllkomm</b>
<b>09.00 - 09.30</b>	<b>Dieren op - Den Erfahrungsräichtum vum Dobaussen!</b> Alioune B. Touré
<b>09.30 - 10.00</b>	<b>Dobaussen « sécher » aktiv !</b> Philippe Schleich
<b>10.00 - 10.30</b>	<b>Die Draussenseiter : D'Jugend als vernoléissegte Zilgrupp vun der Natur- an Ëmweltbildung</b> Michel Grevis
<b>10.30 - 10.45</b>	<b>Froeronn</b>
<b>10.45 - 11.00</b>	<b>Paus</b>
<b>11.00 - 11.30</b>	<b>Teilnahme oder Teilhabe?</b> Carmen Graff & Martijn de Munnik
<b>11.30 - 12.00</b>	<b>Projet Outdoor Camp</b> Corinne Lentzen & Kris Clees
<b>12.00 - 12.15</b>	<b>Froeronn</b>
<b>12.15 - 13.15</b>	<b>Mëttespaus</b>
<b>13.15 - 13.30</b>	<b>Transport (fir Huelmes-Workshops)</b>

## Workshops

<b>13.30 - 15.30</b>	<b>Workshop A</b>
<b>15.30 - 15.45</b>	<b>Workshop-Wiessel</b>
<b>15.45 - 17.45</b>	<b>Workshop B</b>
<b>17.45 - 18.00</b>	<b>Ofschloss</b>



# Virträg



## **Dieren op – Den Erfahrungsraichtum vum Dobaussen!**

### **Alioune B. Touré**

Psychologue - CePAS

Jonk Leit dozou ze kréien, fir méi Zäit dobaussen ze verbréngen, grad elo während enger Pandemie, ass a bleibt eng grouss Erausforderung fir Jugendaarbechter/innen.

Kënnen Outdooraktivitéiten dozou genotzt ginn, fir den Erfahrungshorizont vu Jonken ze erweideren? D'Aktivéierung vun eegene Ressourcen hëlleft Jonker ze motivéieren, fir vu sech aus am Alldag méi Zäit dobaussen ze verbréngen.

## **Dobaussen « sécher » aktiv !**

### **Philippe Schleich**

Responsable programmes éducatifs  
Centre SNJ Marienthal

Dir wëllt mat engem Grupp vu Jonken erausgoe fir hinnen Erfarungen aus dem Outdoorberäich weiderzeginn? U wat misst dir am Virfeld denken, fir gutt preparéiert ze sinn? Wéi kënt dir geféierlech Situatiounen dobausse vermeiden?

## **Die Draussenseiter – D'Jugend als vernoléissegte Zilgrupp vun der Natur- an Ëmweltbildung**

### **Michel Grevis**

Natur- an Ëmweltpedagog

Wéi ee Stelleväert huet d'Natur- an Ëmweltbildung an der lëtzebuergescher Jugendaarbecht? Wéi huelen déi Jugendlech selwer d'Natur wouer? Wéi eng Usätz ginn et, fir eng proaktiv Offer am Natur- an Ëmweltberäich fir dës vernoléissegte Zilgrupp unzebidden?

Eng Analyse vun der aktueller Situatioun a Lëtzebuerg a Léisungsusätz fir eng opsichend Naturerfahrung an Ëmweltbildung.

## **Teilnahme oder Teilhabe?**

### **Carmen Graff**

Natur- a Wildnispedagogin, Éducatrice diplômée

### **Martijn de Munnik**

Éducateur gradué

Ëmmer erëm taucht am pedagogeschen Alldag de Begrëff „Participatioun“ op. D'Essenz dovun ass awer net ëmmer ganz kloer, soudass déi praktesch Ëmsetzung vun engem erfollegräichen Outdoor-Projet oft méi schwéier ass ewéi geduecht. Wat genau ass dann elo „Participatioun“ a wéi geléngt mir e laangfristegen Erfolleg fir déi demokratesch Matgestaltung a menger Aarbecht vun Indoor-souwéi Outdoorprojeten?

Dës a weider Schlëselementer vun de Fräiheeten a Grenze ginn an dësem Virtrag kuerz beliicht.

## **Projet Outdoor Camp**

### **Corinne Lentzen**

Éducatrice diplômée




### **Kris Clees**

M.A. Abenteuer- und Erlebnispädagogik,  
Geschäftsführer bei Natur, Bewegung, Entwécklung sàrl-s




An Zesummenaarbecht mam Erlebnispädagog Kris Clees huet de Service Elisabeth Jeunesse de Projet Outdoor Camp lancéiert. Déi Jonk sinn der Natur méi no komm, andeems si spannend Outdoor-Aktivitéiten erlieft hunn an hiren eegene Camp vun 3 Deeg organiséiert hunn. Och goufen digital Medie kreativ agesat a fir Teambuilding genotzt.

Am Virtrag ginn d'Entsteeung an den Oflaf vum Projet beschriwwen an et gëtt erkläert, wéi eege Projeten dobaussen op den Erfarunge vun dësem opbaue kënnen.

# Workshops Mariendall

	<b>Centre Mariendall</b> Rue de Keispelt L-7411 Marienthal
	<b>Workshop A</b> 13h30 - 15h30
Carol Streff	<b>Dare to eat wild: Wat wiiist Leckeres virun der Dier? Abléck an d'Kraiderpedagogik</b>
Pierre Ney & Elisabeth Binck	<b>Trendsportaarten Urban Sports</b>
Sarah Melmer	<b>Märjendaller Mysterium Outdoor Escape Games</b>
Chelsea Reuter	<b>Foto-Outdoorprojet Perspektivewiessel</b>
	<b>Workshop B</b> 15h45 - 17h45
Carol Streff	<b>Dare to eat wild: Wat wiiist Leckeres virun der Dier? Abléck an d'Kraiderpedagogik</b>
Pierre Ney & Elisabeth Binck	<b>Trendsportaarten Urban Sports</b>
Sarah Melmer	<b>Märjendaller Mysterium Outdoor Escape Games</b>
Chelsea Reuter	<b>Foto-Outdoorprojet Perspektivewiessel</b>

# Workshops Huelmes

	<b>Centre Huelmes</b> Rue du château L-7435 Hollenfels
	<b>Workshop A</b> 13h30 - 15h30
Carmen Graff	<b>Opootmen an der Natur Liewen.Fillen.Erliewen</b>
Claude Fries	<b>Go wild !</b>
Kris Clees	<b>Naturerfarung(en) mat Jugendlechen: Interaktiv de Bësch entdecken</b>
Julie Bové Bob Schimberg Philippe Berscheid	<b>Nohaltegkeet a Scoutismus</b>
	<b>Workshop B</b> 15h45 - 17h45
Carmen Graff	<b>Opootmen an der Natur Liewen.Fillen.Erliewen</b>
Claude Fries	<b>Go wild !</b>
Kris Clees	<b>Naturerfarung(en) mat Jugendlechen: Interaktiv de Bësch entdecken</b>
Julie Bové Bob Schimberg Philippe Berscheid	<b>Nohaltegkeet a Scoutismus</b>

# Workshops

## Mariendall

### **Dare to eat wild: Wat wüsst Leckeres virun der Dier?**

#### **Abléck an d'Kraiderpädagogik**

##### **Carol Streff**

Kraiderpädagogin, Éducatrice graduée

Presentatioun vu liicht erkennbare Planzen, déi een a sengem noen Ëmfeld (och urban) fanne kann an einfach zu enger leckerer Moolzecht veraarbechte kann. Virbereedung vun engem Gedrénks an engem Snack.

Zil: Planzen anescht kenneléieren.  
Ethnobotanescht Wësse vermëttelen.  
Wéi kann een d'Planzewelt opwäerten?  
Wëllt Kraut ass keen Onkraut.

### **Trendsportarten – Urban Sports**

##### **Pierre Ney & Elisabeth Binck**

Chargés de mission

Sport Erliewen - Base Nautique Lëlz

Dir sidd op der Sich no neien Trendsportarten, déi ganz einfach an de Jugendstrukturen ëmgesat kënnen ginn? Frisbee (Ultimate an Discgolf), Spikeball a Slackline kennt dir an dësem Workshop ausprobéieren.

Theorie a Praxis vun Urban Sports nom Motto „Sport dobaussen erliewen“.

### **Märjendaller Mysterium Outdoor Escape Games**

##### **Sarah Melmer**

Responsable programmes éducatifs  
Centre SNJ Marienthal

Wéi kann een eeni héichprofessionell Location an eeni High-Tech-Konstruktioneun trotzdeem e flotten Escape Game fir Jonker opbauen?

Entdeckt an dësem Workshop kniwweleg Rätselen aus de Märjendaller Escape Games a sammelt Tipps & Rotschléi fir selwer een ze erfannen.

### **Foto-Outdoorprojet Perspektivewiessel**

##### **Chelsea Reuter**

Freelance Mediafactory Marienthal

D'Natur bitt ganz vill Méiglechkeete fir schéi Fotosprojeten ze realiséieren. Dëse Workshop weist iech, wéi ee mat engem iPad a Superheldefiguren de Prinzip vun der Perspektiv vermëttelen kann a wéi ee Biller manipuléiert. Sou kënnen déi Jonk ënnerschiddlech Perspektive kenneléieren, an der Natur kreativ ginn a Biller kritesch hannerfroen.

Vir des Aart vu Bildmanipulatioun brauch ee weder ee Greenscreen nach eng extra Software.



# Workshops

## Huelmes

### **Opootmen an der Natur Liewen.Fillen.Erliewen**

#### **Carmen Graff**

Natur- a Wildnispedagogin, Éducatrice diplômée

De bëssen anere Besuch am Bësch, bei deem ee säi Bléckwénkel ännert – sech äerden, duerchhootmen, den eegene Kierper wouerhuelen, fir sou d’Sënner fir Neies ze schäerfen an hir Sensibilitét ze fërderen, awer och fir Kraaft aus der Natur ze tanken.

An enger ganz rasanter Zäit ass et wichtig, heiansdo Geschwindegkeet erauszehuelen an duerchzeootmen. Einfach SINN. Déi mental Gesondheet a Stärkt fërdert d’Selbstbewusstsein, steigert déi eege Produktivitéit an domat och d’Zefriddenheet mat sech selwer a senger Ëmwelt.

An dësem Workshop steet d’Wuelbefanne vum Jugendlechen an d’Verbonnenheet zur Natur am Virdergrond.

### **Go Wild!**

#### **Claude Fries**

Wildnispedagog, Gründer vu Wildnis asbl

An dësem Workshop gitt dir gewuer, wat Wildnispedagogik ass an dir héiert e puer ganz praktesch Beispiller, wéi een dat mat Jugendleche kann ëmsetzen. Ausserdeem gitt dir gewuer, wat een onbedéngt vu Material brauch fir flott Aktivitéiten dobaussen ze maachen.

Traditionell maache mir dat beim Lagerfeier, wat mir natierlech fir d’éischt emol mussen ukréien... an zwar ouni Fixfeier an ouni Briquet.

Eis Belounung léisst dann och net op sech waarden a mir kachen deen een oder anere klenge Snack.

### **Nohaltegkeet a Scoutismus - FNEL**

**Julie Bové**, Commissaire générale

**Bob Schimberg**, Commissaire à la formation

**Philippe Berscheid**, Secrétaire général adjoint

Bei de Scoute gëtt vill Wäert op Nohaltegkeet an de Respekt vis-à-vis vun eiser Ëmwelt geluecht. An dësem Workshop kritt dir unhand vu praktesche Beispiller Reflektiounspisten an Iddie fir nohalteg naturpedagogesch Aktivitéite mat Jonken, wou och déi digital Medien net ze kuerz kommen.


### **Naturerfarung(en) mat Jugendlechen – Interaktiv de Bësch entdecken**

#### **Kris Clees**

M.A. Abenteuer- und Erlebnispädagogik,  
Geschäftsführer bei Natur · Bewegung ·  
Entwécklung sàrl-s

Den Naturraum am Allgemengen, an deemno och de Bësch, bitt ganz vill Erfahrungsméiglechkeete fir Persoune vun all Alter. Och mat Jugendleche loosse sech am Bësch vill verschidden Aktivitéiten ëmsetzen, fir hinnen d’Natur op eng interaktiv Aart a Weis méi no ze bréngen.

Am Kader vum Workshop kritt dir, unhand vun Aktivitéiten, déi sech ouni grouse Materialopwand am Bësch mat Jonken ëmsetze loosse, ee klengen Abléck an de Beräich vun der Natur-/Erliefnespedagogik.



# Informationen zum Oflaf vun de Workshops

D'Workshops fannen op zwou verschiddene Plaze statt. Bei der Umeldung fir déi zwee Workshops sollt dir iech fir eng vun de Plazen entscheiden.

E Shuttle-Bus bréngt déi, déi sech fir d'Workshops zu Huelmes ugemellt hunn, op Huelmes an nees zeréck.

D'Workshops fanne bal all dobausse statt, denkt dofir w.e.g. drun, iech dem Wieder entspriechend ze kleeden an Trëppelschong unzedoen, déi knaschteg kënne ginn. Wann et staark reene sollt, ass en Ënnerdaach virgesinn.



# Informationen zum Oflaf vun der Journée

## COVIDCHECK

D'Journée Outdoor Jeunesse wäert ënnert de Covid-Check-Bestëmmungen organiséiert ginn. Denkt w.e.g. drun, ären Impfpass, Certificat de rétablissement oder negativen PCR-Test bzw. verifizéierte Schnelltest matzebréngen. Wann dir wärend der Umeldung uginn hutt, dass dir ee Schnelltest sur place wéilt maachen, hu mir dëse fir iech virgesinn.

[CovidCheck Certificat](#)


## UMELDUNGEN

D'Umeldunge lafe bis de **07. Oktober 2021** iwwert folgende [Link](#).

Wichtig: Fëllt w.e.g. ee Formulaire pro Participant aus! D'Journée ass gratis a gëtt als Formation unerkannt. Fir d'Présencestonnen (8,5 Stonnen) zertifizéiert ze kréien, muss een un der ganzer Journée Outdoor deelhuele.

## MËTTEGIessen

Et gëtt e Mëttegiessen um Site ugebueden. D'Onkäschte belafe sech op 10,50€ (Entrée – Plat – Dessert). D'Reservatioun vum Mëttegiessen leeft iwwert den Umeldungsformulaire. No der Journée kritt dir d'Facture zougeschéckt.







## TRANSPORT

E Bustransport vu Miersch an de Mariendall an zeréck ass organiséiert.

**Urees** : Den Départ vum Bus bei der Mierscher Gare ass um 8h10 a beim Centre Aquatique Krouneberg um 8h20.

**Réckrees** : De Bus fiert aus dem Mariendall um 18h00 fort a kennt um 18h10 beim Centre Aquatique Krouneberg an um 18h20 bei der Mierscher Gare un.

